

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 23/20. Samjaktavtale for reinsjakta i Nordfjella jakta 2020

Saksopplysing/vurdering

Det har i fleire år vore nytta ein samjaktavtale som har omfatta både statsallmenningar og dei fleste private jaktfelta i Nordfjella. I 2019 vart denne ein del utvida i høve til tidlegare avtalar, når det gjeld kor stor del av jakta jegerane kunne nytta seg av samjakta. Innslagsdato for avtalen var 26. august, og avtalen galdt alle dagar fram til jaktslutt, utan skilnad på kvardag/helg. Rett nok var det i fjar jaktstart 1. august, medan jaktstart i år vert 20. august. Avtalen frå 2019 ligg ved.

Hensikten med slike samjaktavtalar er først og fremst å auka fellingsa, ved at jegerane kan jakta der dyra er, utan å verta stengde av vald- eller jaktfeltgrenser. I år er fellingskvoten for Nordfjella 250 dyr. For å halda skjemaet for friskmelding av stamma innan 2023, bør det i år fellast minst 100 dyr, ifølgje Veterinærinstituttet sine utrekningar. Av dette 82 vaksne – mest bukk – resten kalv og ungdyr. Dyr som vert felt og prøvetekne sør for Bergensbana og i Raudafjell vert medrekna her. Med ein fellingskvote som er noko mindre enn i fjar, og kortare jakttid, er det avgjerande å få gode samjaktavtalar som kan vera med og sikra ei bra felling.

Vurdering etter naturmangfaldlova:

I følgje § 7 i denne lova skal §§ 8 – 12 i lova leggjast til grunn ved utøving av offentleg mynde, som i dette tilfellet går på å tillata samjakt mellom statsallmenning og private jaktfelt i fleire kommunar.

§ 8 (kunnskapsgrunnlaget). Villreinforvaltinga sit på mykje innsamla kunnskap om villreinstamma i Nordfjella, som teljeresultat gjennom mange år, og erfaring med fellingstal ut frå varierande fellingskvotar og ulike modellar for samjakt . Det er kjent at gode samjaktavtalar gjerne gjev betre felling.

§ 9 (føre-var-prinsippet). Det føreligg ingen risiko for skade på naturmangfaldet ved vidareføring av ein samjaktavtale. Tvert imot vil det auka sjansen for å oppfylla måla i bestandsplanen for området, ved at ein med god felling betrar sjansane for framleis å ha ein bestand med høveleg dyretal og store, livskraftige dyr. Andre artar enn villrein vil ikkje bli påverka.

SAKSUTGREIING

Aurland fjellstyre

Møtedato: 19.5.20

Stad: Fjordsenteret

Sak 23/20, side 2

- § 10 (økosystemtilnærming og samla belastning), ikkje relevant.
- § 11 (kostnadene med miljøforringing skal berast av tiltakshavar). Ikke relevant.
- § 12 (miljøforsvarlege teknikkar og driftsmetodar). Ikke relevant.

Med ei jakt som startar nesten 3 veker seinare i år enn i fjar, er det rimeleg at ein tek ei ny vurdering av kva dato ein skal setja som innslagsdato for samjakta. Elles meiner eg at det ikkje bør setjast avgrensingar på kva vekedagar samjakta skal gjelda – med såpass låge kvotar syner det seg at jegertalet i fjellet sjeldan vert særleg stort, heller ikkje i helgane, ut frå erfaringane dei to siste åra.

Framlegg til vedtak:

Aurland fjellstyre går inn for at ein nyttar likelydande samjaktavtale for Nordfjella i 2020 som den ein nytta i 2019, men med innslagsdato

Fjellstyrekontoret, den 11.5.20

Harald Skjerdal

SAMJAKTAVTALE FOR 2019 mellom FJELLSTYRA og private jaktfelt i sone 2, Nordfjella villreinområde

Mellom fjellstyra i Hol, Aurland og Ulvik er det inngått slik SAMJAKTAVTALE for villreinjakta i sone 2 (området mellom fv 50 og vassdraget langs Bergensbana) Nordfjella villreinområde for 2019. Avtalen kan utvidast til også å gjelda for private jaktfelt, som ved feltansvarleg si underskrift aksepterer dei rettar og plikter som er nedfelt i avtalen.

Avtalen gjeld for jegerar som har fått utsteda kontrollkort for dei statsallmenningar og kommunale eigedomar som fjellstyra har forvaltingsansvar for innan Nordfjella villreinområde. Avtalen gjeld og for jegerar som har fått utsteda kontrollkort for private jaktfelt som er med i avtalen.

Samjaktavtalen omfattar ikkje kontrollkort som er utsteda til jaktfelt som ikkje har slutta seg til avtalen innan den gjeldande fristen.

Avtalen gjeld f.o.m. ...26/8... og ut jakta, dersom ikkje annan dato er fastsett for for det einskilde tilslutta jaktfelt (sjå side 2).

1. For tilslutta jaktfelt i Aurland, Hol og Ulvik gjeld avtalen alle vekedagar frå og med den datoен avtalen trer i kraft. I denne perioden er det samjakt mellom allmenningar, kommunale eigedomar og private felt som vert omfatta av avtalen.
2. Jegerar som nyttar seg av denne avtalen plikter å syna "god jegerskikk" og ta omsyn til andre jegerar i området, og ikkje øydeleggja for pågåande jakt. Dersom det er mogeleg, bør jegeren **gje seg til kjenne** på jaktsambandet, eller på annan eigna måte.
3. Jegerar som nyttar denne samjaktavtalen pliktar å ha med seg valdkartet for Nordfjella og vera godt orientert om aktuelle jaktfeltgrenser.
4. Brot på reglane i avtalen vert rekna som ulovleg jakt, og jegeren vil bli meld og kan bli straffa.

For private felt som ynskjer å melda seg inn i avtalen, må innmeldinga skje innan den **15. juni**.

Alle jegerar vert på det sterkeste oppmoda om å bruка klede- eller hovudplagg med signalfarge!

Tilslutta statsallmenningar i Nordfjella:

Avtalen
Hol, gjeld frå for Hol fjellstyre tlf:
Aurland, gjeld frå for Aurland fjellstyre tlf:
Ulvik, gjeld frå for Ulvik fjellstyre tlf:

Oppsynsleiars tlf: 995 67 650

Følgjande private jaktfelt i NF sluttar seg fullt og heilt til ovannemnde gjensidige avtale:

Hol:	
Aurland:	
Ulvik:	